

鑑撮

卷四之二

漢書門

漢書門	八七	八八	八四	八四	一六
類	函	架	冊	冊	冊

內閣文庫
漢 八
三五四
三

內閣文庫	
番號	漢 8784
冊數	16 (13)
函號	285 13

十三




Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak





後漢文庫

邦昌心不自安乃迎帝于濟帝至應天孟太后降
 手書略曰歷年二百人不知兵傳序九君世無失
 德雖舉族有北轅之釁而敷天同左袒之心乃眷
 賢于越居舊服漢家之厄十世宜光武之中興獻
 公之子九人惟重耳之尙在茲乃天意夫豈人謀
 帝遂卽位尊孟太后爲元祐太后遙尊韋氏帝母也
 爲宣和皇后遙尊邢氏帝夫爲皇后 帝登極詔
 曰聖人何以加孝每懷問寢之思天子必有所尊
 欲救在原之急將母口是心非久之徽宗使曹勛以手書

益景卷四 南宋

三

至曰便可即真來救父母邢氏亦以環付勛曰幸
爲我告大王願如此環得早相見也帝泣 帝畏
金以邦昌爲金所立封同安王後李綱極論之乃
竄邦昌潭州賜死 時李綱爲相上十事一論中
國御四夷守然後可戰戰然後可和一論巡幸長
安爲上次襄陽又次建康餘皆國家大計議綱薦
張所招撫使任河北傅亮副使任河東宗澤畱守東京
綱則西顧關陝南葺襄鄧而黃潛善相汪伯彥相
疾綱張浚潛善客也亦劾綱帝遂罷綱綱嘗言于

帝曰自古中興之主起西北足以據中原而有東
南起東南不能復中原而有西北願駕幸南陽再
還汴都帝不聽時宗澤岳飛秉義郎王彥制置使皆請
還京北伐皆不聽陳東太學錄請罷汪黃歐陽澈布衣
上書斥用事大臣並被殺 帝遣使如金稱臣奉
表求請二帝金不許 宗澤守東京力圖收復大
敗金兵金自是不敢犯東京金人呼宗爺爺河東巨寇王
善有衆七十萬將攻京城澤單騎至其營激以忠
義善遂降澤屢請帝還京卒不還澤疏曰祖宗基

業可惜陛下父母兄弟蒙塵沙漠百萬生靈陷于塗炭今兵足氣銳願陛下毋循東晉覆轍潛善等忌阻之澤憂憤成疾連呼過河者三而卒自是兩河皆金有矣 帝從潛善等策幸揚州金逼揚州帝遂至杭州已而苗傅統制劉正彥統制作亂斬內侍康履曾擇劫帝傳位皇子勇乃退於是張浚侍郎與韓世忠等討之傅等夜遁世忠追斬之 時金兵且至帝先遣人奉孟太后于洪州已而江西陷孟太后奔虔州未幾金兀朮陷臨安帝航于海兀朮

退乃還臨安孟太后亦還尋崩 兀朮北還至鎮江欲渡江韓世忠截之于金山戰于江中世忠妻梁氏親執桴鼓虜兀朮之壻龍虎大王兀朮窘甚世忠又與兀朮相持于黃天蕩遇敵舟出以鐵縷貫大鈎曳沉之兀朮窮蹙祈請甚哀世忠曰還我兩宮復我疆土則可相全兀朮憂甚適有閩人王姓者獻破舟之策以火箭射箬篷世忠師潰兀朮走是役也世忠以八千人拒兀朮十萬衆自是金人不敢渡江 初張浚欲復陝西會汪若海監登聞院

亦語浚曰天下者常山蛇勢也秦蜀為首東南為尾中原為脊若以東南為首必不能起天下之脊將圖恢復必在川陝浚遂慷慨請行帝以浚為川陝荆湖宣撫使時王彥曲端統制等謂敵鋒甚銳不當輕舉浚不聽遂進兵敗于富平論者咎浚失律已而浚殺曲端吳玠等陷之也端屢挫金師人謂死非其罪富平既敗巴蜀大震吳玠吳玠俱統制退保和尚原金兵分道進攻玠分兵敗之兀朮憤甚率兵來戰玠璘以奇兵大敗之兀朮鬻其鬻而遁玠復馳饒風

關攻之金兵死者山積會小校得罪奔金道以祖溪開路出關背乘高以闕饒風諸軍不支遂潰金兵因入興元尋以疫作引還其後金復攻仙人關璘與玠又敗之金兵乃遁還金人專意圖蜀玠當其衝蜀賴以安 劉豫者世業屢少無行舉進士帝使知濟南府豫降于撻懶賂請帝已於是金立豫于大名以河南陝西地與之國號齊徙都汴置洵沙官掘兩京冢墓使子麟姪猊合撻懶兀朮入寇韓世忠大破之于大儀未幾金廢豫豫僭立六

年 初趙鼎建言經營中原當自關中始經營關
中當自蜀始欲幸蜀當自荆襄始吳越介在一隅
非進取中原之地帝不聽鼎爲相勸帝親征復薦
張浚浚亦相二人甚相得鼎薦胡寅呂本忠等浚
薦虞允文劉琪王十朋等皆爲名臣旣而二人論
事多不合鼎因罷去未幾浚亦引咎去薦鼎代鼎
復相人或議鼎無設施鼎曰今日事如人患羸當
靜養若加攻砭恐傷元氣也已而秦檜擠鼎鼎乃
罷 時張俊韓世忠劉錡岳飛皆名將也俊討平

江淮盜李成等屢禦金人有功第附檜和議助檜
殺飛人以是薄之世忠自金山之戰威名日著賊
人范汝爲曹成等作亂皆敗之大儀之役以背鬼
軍持斧斫人胷馬足金人馬皆斃爲中興武功第
一嘗抗疏言和議之非劾檜誤國因罷去世忠一
身刀痕箭瘢如刻畫然錡充東京副畱守未至聞
東京已失遂趨順昌金葛王烏祿薄城錡以兵五
百夜斫其營兀術帥兵來援錡以銳斧犯之殺兀
術鐵浮圖及拐子馬軍幾盡嗣又戰于柘皋金人

望見錡曰此順昌旗幟也即退走飛好左氏春秋
孫吳兵法宗澤奇之飛詣張所所問能敵幾何曰
欒枝曳柴以敗荆莫敖採樵以致絞在謀不在勇
也所曰君殆非行伍中人也巨寇王善與曹成等
合兵五十萬飛以八百人敗之飛與兀朮戰于杭
州戰必捷金人呼曰岳爺爺是時金齊之師日迫
齊遣李成挾金人破襄陽等六郡而湖寇楊么一作
太與齊通飛先使王貴牛臯擊成成敗去飛乃移
兵向么降么將黃佐遂遣佐招餘賊已而么來戰

飛以草木蔽湖而下么舟不能行臯遂斬么是役也凡
八日初么恃其險日犯我者除是飛來蓋識也飛因疏請恢復帝謂飛曰
中興事一以委卿初秦檜為金人執去檜于淮上
為黏罕草檄金太宗以檜賜撻懶檜倡為和議撻
懶縱之使還檜與妻王氏俱歸詭言殺監者奔來
帝稱檜樸忠過人胡安國給事言于游酢謂檜才可
方荀文若胡安國之薦檜歐陽修之薦安石也帝相之遂主和議曰
河北人還金中原人還劉豫天下無事矣帝曰朕
北人將安歸檜語塞人以是知檜之姦呂頤浩相



劾罷之已而張浚薦之檜復相和議遂決於是飛
上疏曰願定謀全勝期收功兩河唾手燕雲終欲
復讐而報國誓心天地當令稽首以稱藩飛與兀
朮戰于郟城遣子雲直貫其陣謂之曰不勝先斬
汝雲大破金兵金屍布野兀朮以拐子馬來飛令
步卒執麻札刀斫馬足大破之兀朮大慟曰吾海
上起兵皆以此勝今已矣雲復往援王貴于穎昌
以八百騎破金兵十萬殺兀朮婿夏金吾飛進軍
朱仙鎮謂將佐曰直抵黃龍府與諸君痛飲耳兀

朮欲棄汴去有書生扣馬曰太子毋走岳少保且
退古未有權臣在內大將能立功于外者兀朮乃
畱已而檜果欲畫淮北與金和一日發十二金字
牌召班師飛泣曰十年之功廢于一旦乃還旣而
兀朮遺檜書曰必殺飛始可和檜遂謀殺飛會張
俊亦誣飛檜遂罷飛官使俊誘王俊統制誣告張憲
統制得雲手書謀據襄陽俊鞫之憲不伏檜矯詔下
飛父子獄飛以背示何鑄中丞有舊涅盡忠報國四
大字鑄察其寃以白檜檜曰此上意也檜改命万

墨俟音其傳會其獄韓世忠心不平詰之
檜曰事莫須有曰莫須有三字何以服天下檜竟
手書小紙付獄飛遂死雲憲棄市飛事母孝撫下
有恩謀定後戰敵嘗曰撼山岳易撼岳家軍難張
浚嘗問用兵之術飛曰仁信智勇嚴闕一不可或
問何時太平飛曰文臣不愛錢武臣不惜命天下
太平矣 時趙鼎張浚皆竄鼎謝表曰白首何歸
悵餘生之無幾丹心未泯誓九死以不移檜曰此
老倔强猶昔必欲殺之鼎自作銘旌曰身騎箕尾

歸天上氣作山河壯本朝遂不食卒浚亦徙永州
胡安國上時政論被貶安國志在康濟時艱而
蕭然塵視天下無一物足以嬰其心嘗曰浮世利
名如蠅蠟過前耳謝良佐嘗曰胡康侯如大冬嚴
雪百草萎死而松柏挺然獨秀
也 先是檜主和議王倫侍郎成之胡銓編修抗疏
曰金以詔諭江南為名是欲臣妾我也劉豫我也
陛下一屈膝就令金決可和盡如倫議天下後世
謂陛下何如主檜導陛下如石晉參政孫近徒取
充位願斬三人頭竿之藁街然後羈使與師士氣

百倍不然臣有赴東海而死寧能處小朝廷求活

耶金人募其書千金後孝宗朝銓再論和議日和成可弔者十不成可賀者十

謂舉朝皆婦人言尤痛切張守嘗上疏略云陛下處宮室之

安則當思二帝母后穹廬毳幕之居享膳羞之奉

則當思二帝母后羶肉酪漿之味服輕煖之衣則

當思二帝母后窮邊絕塞之寒苦操子奪之柄則

當思二帝母后語言嘖笑受制于人享嬪御之適

則當思二帝母后誰供使令對臣下之朝則當思

二帝母后誰為尊禮思之又思天亦助順詞甚激

切 晏敦復侍郎嘗論黜和議檜使人諷諭之敦復

曰薑桂之性到老愈辣勿復言 檜專政一十八

年和議既成紹興九年歸地十二年歸梓宮太后

檜自頌功加太師帝書一德格天扁其閣檜無子

養妻兄王喚子燔為子當時名賢良將竄誅略盡

洪皓人行使金名節獨著歸致金酋室然寄問檜

以室然知己為黏罕草檄事恐皓洩之貶皓英州

朱弁人行使金哭太上詞有云歎馬角之未生魂

消雪窖攀龍髯而莫逮淚灑冰天帝讀之亦泣

金完顏亮弑金熙宗自立大殺宗室金太宗粘沒
喝後遂絕并殺撒离喝夷其族時兀朮已先死乃
免亮自燕遷汴為都嘗令畫工寫臨安湖山圖其
像題詩曰提兵百萬西湖上立馬吳山第一峯至
是渝盟南侵起兵六十萬趣臨安攻荆襄陷兩淮
陳康伯相贊帝親征劉錡戰于皂角林身陷重圍
下馬死戰大敗之其亮兵自海道入者李寶副總管
以火箭射之敵大敗已而亮有內變渡采石虞允
文中書舍人參謀軍事以計擊敗之亮乃焚舟還揚州允文

六歲誦九經七歲能屬文劉錡謂允文曰朝廷養
兵三百年今大功出儒生我輩愧死矣允文後相孝宗

金葛王烏祿即位遼陽是為世宗亮至瓜州為其
下所殺前輩謂臨安湖山宋以之誘賊亮以之殞命宋嘗頌黃庭堅

所書戒石銘于州縣令刻石文曰爾俸爾祿民膏
民脂下民易虐上天難欺先是帝在河朔親見
閭閻之苦嘗歎知縣不得其人民一充役即至破
家於是定差役法林勳上本政書言農貧失職
兵驕難用宜倣古井田之制使民一夫受田五十

欽定四庫全書
三
畝其有羨田之家無得市田其無田與游惰末作者皆驅之使爲隸農以耕田之羨者而雜紐錢穀以爲什一之稅每十六夫爲一井每井賦二兵馬一匹蠶婦之貢絹三尺絲一兩非蠶鄉則布六尺麻二兩其說甚備其後朱熹陳亮皆甚愛其書初朱松病以子熹託劉子羽子羽教熹與已子均熹遂爲大儒

孝宗

名瑋太祖七世孫高宗立爲己子改元隆興二年乾

道九淳熙年十六在位二十七年傳位太子惇退居

重華宮壽六十八歲 帝初年銳志恢復召用張

浚遣李顯忠招撫復靈壁宿州時湯思退相謀去浚

浚遂罷浚忠君愛國入以其詆李綱殺曲端少之

帝遣人如金易表爲書稱金爲叔 是時道學

大興若朱熹修撰張栻侍郎呂祖謙著作陸九齡教授陸

九淵知荆門軍其最著也熹從李侗學侗學于羅從彥從彥學于楊時

得伊洛之正傳熹上封事言四海利病繫斯民之

休戚斯民休戚繫守令之賢否監司者守令之綱

朝廷者監司之本熹嘗假常平米六百石爲社倉于鄉夏貸粟冬加息以償歉則蠲息之半大饑則盡蠲之行之十四年還原米外得息三千石有零自後不復收息每石但收耗米三升上其法于朝天下賴之熹劾唐仲友知州忤王淮相淮與仲友爲姻家淮始謀禁道學淮罷周必大相薦熹爲江西提刑熹入奏事或曰正心誠意上所厭聞熹曰吾平生所學惟此四字嘗上封事六條帝已寢亟起秉燭讀之

棫聞道甚早言學莫先義利之辨帝嘗言難得節

義之臣棫曰當于犯顏敢諫中求之祖謙少卞急

及誦躬自厚章平時忿憶渙然冰釋九齡穎悟力

學爲教授時有寇警九齡主義社爲調度屯禦法

人倚爲重九淵有異稟在鵝湖與熹講學術異同

辭甚厲又在白鹿洞講君子喻義章聽者泣下在

官之日政行俗變

光宗

名惇孝宗子改元紹熙在位五年傳位太子移居

壽康宮壽五十四歲 帝制于李后驚疑成疾宦

者陳源等離閔兩宮孝宗崩帝竟不行喪禮

寧宗

名擴光宗子改元慶元六年嘉泰四年開禧三年嘉定七

年在位三十年壽五十七歲光宗疾作趙汝愚

相憂之議以憲聖太后旨禪位帝而在廷無可內

白者乃遣韓侂胄知閣門事因內監關禮白之憲聖復

曰可帝乃卽位社稷有主汝愚力也汝愚爲相裁

抑僥倖中外望治而侂胄官太師恃定策功竊弄威

福汝愚竟貶死天下冤之侂胄生辰許及之尙書後

至自門闌隙入人謂由竇尙書侂胄飲南園過山

莊曰此真田闕氣象但欠犬吠雞鳴耳俄聞犬嗥

聲視之乃趙師彝侍郎也諸生爲詩嘲之有日曾學

犬吠村莊之句師彝宋宗室也程松諫議大夫市妾名

松壽獻侂胄侂胄曰奈何與子同名曰欲使賤名

常達鈞聽朱熹嘗進講疏論竊柄者指侂胄也侂

胄使優人峩冠闊袖像大儒戲帝前熹遂罷於是

侂胄改道學爲僞學六經四書爲世大禁熹又將

疏論之門人送諫熹決以筮得遯之同人遂焚其

稿侂胄又置偽學籍汝愚周必大彭龜年葉適等凡五十九人並絕其進用於是削熹官竄其門人蔡元定于道州元定忍飢讀書熹嘗曰此吾老友不當在弟子列元定嘗訓諸子曰獨行不愧影獨寢不愧衾處士呂祖泰請誅韓侂胄詔配祖泰欽州自孝宗以來與金通好四十餘年侂胄復開邊釁乃以伐金詔四方略曰天道好還中國有必伸之理人心效順匹夫無不報之讎蠢茲醜虜猶託要盟賸生靈之資奉溪壑之欲洎行李之繼

遣復媢詞之見加含垢納汙在人情而已極聲罪致討屬胡運之將傾兵出有名師直爲壯言乎遠言乎近孰無忠義之心爲人子爲人臣當念祖宗之憤翰林李壁詞也於是金分九道入寇蜀漢皆陷侂胄懼遣使求和金欲宋割地稱臣並獻首禍之臣侂胄怒欲復用兵史彌遠侍郎函其首以畀金稱金爲伯增歲幣時人爲詩曰歲幣頓增三百萬和戎又送一於期是時蒙古漸強蒙古元之先國號也在女直北其酋鐵木真稱皇帝金數被其侵國勢

益衰金地止有汴陝金人將南侵拓土趙方制置使

抗疏請戰於是以伐金詔四方略曰犬戎跨我中

原天厭久矣狐兔失其故穴人競逐之方遣孟宗

政鈞扈再興統制大破金兵于棗陽方嘗知青陽縣

告人曰催科不擾即催科中撫字刑罰無差即刑

罰中教化

理宗

名昀初名與莒賜名貴誠太祖十世孫改元寶慶

三紹定六年端平三年嘉熙四年淳佑十二年寶佑六年開慶

一景定五年凡在位四十年 先是史彌遠權勢熏

灼皇子竑憾之書于几曰彌遠當決配八千里彌

遠遂殺竑立帝 李全副鎮作亂降蒙古寇揚州

趙范趙葵皆趙方子大敗之 真德秀侍郎魏了翁起居

皆大儒也遂于理學直聲震朝廷彌遠皆惡之梁

成大御史苟賤無恥與李知孝同為彌遠鷹犬成大

尤貪邪知孝亦鄙之曰吾懼他日與成大同傳成

大目真德秀為真小人魏了翁為偽君子其無忌

憚如此 史彌遠死帝始親政詔改元略曰春秋

正王道之端式嚴謹始聖德開太平之路尤貴更
 新時德秀了翁皆起用朝廷清明未幾史嵩之當
 國毒害正人德秀了翁復罷 史嵩之父喪未除
 遂謀起復時馬光祖為總領許堪為節制皆未終
 喪而起復時人為十七字之謠曰光祖做總領許
 堪為節制丞相要起復援例 元鐵木真卒子窩
 闊台立約宋滅金帝遣孟珙制置使會攻破之金哀
 帝自縊死金元帥叛金降元盡執金后妃諸王送
 元元擄去青城即前金人俘宋地也在道艱楚萬

狀更甚于徽欽時焉 元既滅金北去宋欲乘時
 復三京取洛陽蒙古以宋敗盟遣將破陽平關劉
 銳知文州闔門飲藥銳家素有禮六歲子跪而受藥
 軍民感動死者無數 時余玠制置使屯兵聚糧築
 招賢館以求士 孟珙大興屯田敵至則戰退則
 耕珙忠君體國臨將吏面色凜然無敢涕唾者退
 則掃地焚香隱几危坐遠貨色絕滋味尤邃于易
 學自號無庵取虛無之義 趙葵拜右相言者論
 葵非由科目出身且曰宰相須用讀書人葵因力

辭其表有云霍光不學無術每思張詠之語以自

慙后稷所讀何書敢以趙抃之言而自解此豈不讀書人

語帝寵宦官盧允升董宋臣而閹貴妃馬天驥

簽事丁大全司表裏為奸有人書于朝曰閹馬丁當

國勢將亡 元忽必烈圍鄂州賈似道相稱臣納

幣會元憲宗訃至忽必烈引還似道詐奏大捷

帝每見西湖燈火異常曰此必賈似道也 帝贈

陸九齡等官諡九齡九淵兄弟為師友學者稱二

陸沈煥學于九齡嘗曰晝觀諸妻子夜卜諸夢寐

兩者無愧始可言學 帝嘗製訓廉謹刑二銘戒

飭中外訓廉銘曰周典六計廉善廉能廉敬廉正廉法廉辨吏治

條陳以廉為本乃良而循彼肆貪虐與豺虎均肥

于其家多瘠吾民縱道于法愧其冠紳貨悖而入

苗及後人我朝忠厚黜貪為仁咨爾羣辟是訓是

遵謹刑銘曰民吾同胞疾痛猶己報虐以威刑非

得已仰惟祖宗若保赤子明謹庶獄惻怛溫旨金

科玉條毫析銖累夫何大吏蔑棄法理逮于郡邑

濫用筆咎典聽朕言式克欽止筆初陳垓御言民

命與國脈相維疏陳十弊詞極懇切 方史彌遠
之起復也太學生黃愷伯等上書劾之范鍾相等
議逐游士諸生作捲堂文以辭先聖曰天之將喪
斯文實繫興衰之運士亦何負于國遽罹斥逐之
辜祖宗立國廣學儲才蒙教育以如天恨補報之
無地實惟公議不利小人今見義而不爲當行已
而有恥苟爲飽煖是貪周粟之羞相與攜提母蹈
秦坑之慘斯言既出明日遂行

度宗

名禧理宗之姪改元咸淳在位十年壽三十五歲
帝以賈似道有定策功寵任甚專似道嘗棄官
歸密令人報元兵來侵帝懼手詔起之先是理宗
朝元遣郝經修好似道恐洩求和事幽之真州經
表曰願附魯連之義排難解紛豈知唐儉之徒款
兵誤國表上不報卒爲兵端元寇襄陽似道置不
問起樓閣亭榭與羣妾鬪蟋蟀或戲之曰此軍國
重事耶 時大饑遣黃裳州知賑之黃裳大書閉糴
者籍強糴者斬不抑米價勸分有方全活者衆

元遣伯顏張弘範舉兵南下似道奔揚州乃謫似道于循州鄭虎臣會稽尉押之行似道至洛陽橋遇葉季自漳州放還李贈詞云余歸路君來路天理昭昭胡不悟公田關會竟何如仔細思量真自悞雷州戶厓州戶人生會有相逢處客中邂逅欠蒸羊聊贈一篇長短句似道俯首謝焉已而虎臣殺之元圍潭州尹穀進士知事不可為乃為二子行冠禮或曰何迂也曰欲令兒曹冠帶見先人于地下耳既畢禮與家人自焚時汪立信招討李芾撫

李庭芝相江萬里相皆死文天祥江西起兵勤王陳禦敵之策伯顏詩云馬首經從嶺島歸王師到處悉平夷擔頭不帶江南物只插梅花一兩枝

恭宗

名焘度宗次子改元德祐帝立時年四歲在位二年元兵破獨松關陳宜中相遣人求和伯顏不許曰汝國得天下于小兒失天下于小兒尙何言文天祥相張世傑都統請背城一戰宜中不從伯顏

以帝及謝太后北去使帝爲僧後殺之

端宗

名昞度宗長子楊淑妃出帝卽位于福州時年九歲尊妃爲太后改元景炎在位三年 帝欲往占城國陳宜中請先往諭意遂逃去帝溺水得驚疾遂崩 陳文龍知軍被執元欲降之文龍指其腹曰此皆節義文章也可相逼耶不食死 元人發紹興諸陵及大臣冢拿稽人唐珏夜收陵骨葬蘭亭山後植冬青樹其上以識

帝昺

度宗幼子時年八歲改元祥興在位二年 端宗旣崩陸秀夫制置使曰度宗一子尙在遂立帝昺遷厓山時秀夫猶日書大學章句以勸講已而張弘範兵至厓山張世傑曰頻年航海何時已遂焚行朝草舍奉帝昺入海州決死戰元兵薄之秀夫驅妻子入海負帝昺赴海死楊太后大慟曰我忍死至此者爲趙氏一塊肉耳今無望矣亦赴海死世傑將別立趙氏會颶風作歎曰天若不祚宋則風

覆我舟舟隨覆世傑死 文天祥屯兵于潮陽元
 兵襲之走海豐天祥方飯被執吞腦子不死張弘
 範送之燕天祥道經吉州痛恨不食八日猶生乃
 復食 天祥題張許雙廟云為子死孝為臣死忠死
 又何妨自光岳氣分士無全節君臣義缺誰
 負剛腸罵賊睚陽愛君許遠留得聲名萬古香後
 來者無二公之操百煉之剛嗟哉人生翁歟云亡
 好烈烈轟轟做一場使當時賣國甘心降虜受人
 唾罵安得流芳古廟幽沈遺容儼若枯木寒鴉幾
 夕陽郵亭下有奸雄過此子細思量天祥過零丁
 洋詩云辛苦遭逢起一經干戈落落四周星山河
 破碎水漂絮身世浮沈風打萍惶恐灘頭說惶恐
 零丁洋裏歎零丁人生自古誰無死畱取丹心照
 汗青天祥過金陵詩云草舍離宮轉夕暉孤雲飄
 泊欲何依山河風景原無異城郭人民半已非滿

地蘆花和我老舊家燕子傍誰飛從今別卻江南
 路化作啼鴉帶血歸天祥過淮河始覺非故宇江鄉已
 年依依只南土今晨渡淮河始覺非故宇江鄉已
 無家三年一羈旅胡羯在何方乃我妻子所昔也
 無奈何忽已置念慮念茲日已近使我涕如雨我
 為綱常謀有身不得顧妻兮莫望夫子兮莫望父
 天長與地久此恨極千古來生業緣在骨肉當如
 故天祥過平原縣詩云平原太守顏真卿長安天
 子不知名一朝漁陽動鼙鼓大河以北無堅城君
 家兄弟奮戈起一十七郡連盟賊聞失色分軍
 還不敢長驅入咸京明皇父子得西狩由是靈武
 起義兵唐家再造李郭力逆賊牽制公威靈哀哉
 常山賊鉤舌公歸朝廷氣不折崎嶇坎壈不得去
 出入四朝老忠節當年幸脫安祿山白首竟留李
 希烈希烈安能遽殺公宰相盧杞欺日月亂臣賊
 子歸何所茫茫煙草中原土公祀于今六百年忠
 精赫赫 天祥至京丞相孛羅召見天祥長揖孛羅
 雷行天

監最卷四

南宋

卷

使跪天祥不屈曰天下事有興有廢願早求死李
 羅曰汝謂有興有廢且問盤古至今幾帝幾王曰
 一部十七史從何處說起吾今非應博學鴻詞也
 李羅曰古來曾有人臣將土地與他國而復逃者
 乎曰奉國與人是賣國之臣也賣國者有所利而
 為之必不去去者必非賣國者也吾前奉使軍前
 尋被拘執國亡當死所以不死者以度宗二子在
 浙老母在廣耳李羅曰棄德祐而立二王忠乎曰
 德祐吾君也不幸失國當此之時社稷為重君為

輕吾別立君為社稷計也從懷愍而北者非忠從
 元帝者為忠從徽欽而北者非忠從高宗者為忠
 李羅語塞曰立二王究何益曰盡吾心焉耳已而

下天祥于獄天祥作正氣歌曰天地有正氣雜然
 賦流形下則為河嶽上則為日星于
人曰浩然沛乎塞蒼冥皇路當清夷舍和吐明廷
 時窮節乃見一一垂丹青在齊太史簡在晉董狐
 筆在秦張良椎在漢蘇武節為嚴將軍頭為嵇侍
 中血為張睢陽齒為顏常山舌或為遼東帽清操
 厲冰雪或為出師表鬼神泣壯烈或為渡江楫慷
 慨吞胡羯或為擊賊笏逆豎頭破裂是氣所磅礴
 凜冽萬古存當其貫日月生死安足論地維賴以
 立天柱賴以尊三綱實繫命道義為之根嗟余遘
 陽九隸也實不力楚囚纓其冠傳車送窮北鼎鑊
 甘如飴求之不可得陰房闐鬼火春院閉天黑牛

驥同一阜雞栖鳳凰食一朝蒙霧露分作溝中瘠
如此再寒暑百沴自辟易哀哉沮洳場為我安樂
國豈有他謬巧陰陽不能賊顧此耿耿在仰視浮
雲白悠悠我心憂蒼天曷有極哲人日已遠典型
在夙昔風簷展書

天祥留京三年坐臥小樓足不
履地元世祖欲用之使人諭之天祥曰國亡吾分
一死耳倘緣寬假得以黃冠歸故鄉他日以方外
備顧問可也元世祖欲釋之忽中山狂人自稱宋
主欲取文丞相元乃殺天祥于燕京之柴市其衣
帶中有贊曰孔曰成仁孟曰取義惟其義盡所以
仁至讀聖賢書所學何事而今而後庶幾無愧張

毅甫負天祥骸骨歸葬吉州會家人亦自惠州昇
母夫人柩同日至人以爲忠孝所感云

遼傳九主共二
百一十四年

遼太祖

姓耶律氏初名阿保機後改名億建元神冊天
贊在位十一年 遼本鮮卑遺種元魏時始號
契丹至太宗大同元年改國號遼初唐太宗時
有摩會者來降其帥窟奇請內屬拜松漠都督
置府營州後分八部懿宗時遂有稱王者梁時

太祖爲王漸滅七部北侵女直西取突厥嘗寇雲州晉王克用與之和拜爲兄弟約共擊梁太祖背盟克用恨之後唐時太祖稱皇帝號曰天皇王后述律氏勇決常預軍謀母姑拜踞榻受之曰吾惟拜天不拜人

遼太宗

名德光太祖第二子改元天顯會同大同在位二十一年太宗滅唐冊立石敬瑭爲皇帝敬瑭割幽薊十六州以與太宗旣而太宗復滅晉

執晉出帝以歸行至殺狐林今名死狐嶺在欒城縣而殂時天熱國人剖其腹實以鹽載歸謂之帝羓

遼世宗

名阮初名元欲改元天祿在位五年燕王述輒弑之而自立

遼穆宗

名璟初名述律殺述輒卽位改元應歷在位十九年穆宗每夜酣飲日中方起國人謂之睡王庖人辛古弑之

遼景宗

名賢世宗次子改元保寧乾亨在位十四年

遼聖宗

名隆緒景宗子復號大契丹改元統和開泰太平在位四十九年 聖宗冲年踐祚蕭太后專國時大舉入宋戰于澶州遼大挫衄宋眞宗渡河次澶州聖宗遣使請盟以兄禮事宋

遼興宗

名宗眞聖宗子改元景福宗興重熙在位二十

四年 宋遣孔道輔使于遼興宗宴道輔優人以文宣王爲戲道輔艷然正色曰中國與北朝通好以禮相接今優人侮先聖而不禁北朝之過也興宗酌大卮謂曰天方寒飲此可致和氣道輔曰不和固無害興宗益加禮焉興宗性孝聖宗死百官請以日易月興宗不許終喪三年

遼道宗

名洪基興宗子復國號遼改元清寧太康太安壽隆在位四十七年 道宗好浮圖歲齋僧三

十六萬 時遼與宋爭地界遼遣蕭禧執分水嶺之說宋遣沈括報聘凡六會竟不可奪繼而宋神宗聽王安石言使韓鎮割新疆與遼 道宗娶蕭氏姿容冠絕工詩立爲后生太子濬時乙辛專政忌后明敏誣后與伶官趙惟一私通賜后自盡並誣殺太子濬

遼天祚帝

名延禧道宗之孫改元乾統保大在位二十四年 天祚荒亂內色外禽自椽國本會宋于遼

市珠珠出女直天祚嗜利求珠無厭女直產名鷹曰海東青天祚歲求之女直苦之阿骨打乃叛遼會宋徽宗遣童貫結好女直議夾攻取燕雲天祚走夾山遣傳國璽于桑乾河繼爲金所擒 先是蕭文妃見天祚不道金兵日逼作歌諷諫歌曰勿嗟塞上兮暗紅塵勿傷多難兮畏夷人不如塞奸邪之路兮選取賢臣直須臥薪嘗膽兮激壯士之捐身可以朝清漠北兮夕枕燕雲真恨不爲男子又歌曰丞相來朝兮劍佩鳴干官

側目兮寂無聲養成外患兮嗟何及禍盡忠良

兮罰不明親戚並居兮藩屏位私門潛蓄兮牙

爪兵可憐往代兮秦天子猶向宮中兮望太平

天祚見而銜之卒以讒死如小字瑟瑟天祚之走

也燕王耶律淳稱帝淳死妻蕭氏專國事繼而

金陷遼蕭氏出奔天德宰相左企弓奉表降遼與

五代北宋相終始

西遼共八十八年

耶律大石遼世祖祖疑作宗之八世孫也因遼亡西

行建都城僭稱天祐帝號延慶康國凡二十年

大石殂子幼遺命蕭后塔不煙監國后稱制

號感天皇后僭號咸清凡七年太后之子彝烈

嗣僭稱仁宗號紹興凡十三年彝烈之妹普速

完權國號承天皇后僭號崇福凡十四年彝烈

之子直魯古嗣僭號天禧凡三十四年為乃蠻

王所弒西遼稱帝與前梁蕭晉稱帝于江陵後漢劉崇稱帝于晉陽其事正同

金傳九王共一百二十年

金太祖

姓完顏名阿骨打更名旻滅遼稱帝建元收國

天輔在位八年國號金 金本女直部落女直本號

女真後避遼與宗諱改號女直女直古肅慎氏地在混同江東源

在南者附契丹號熟女直在北者有白山黑

水不附契丹號生女直生女直自烏古廼擒遼

叛將獻遼遼授為生女直部節度使始建官屬

遞傳至太祖苦遼暴虐務面慟哭與宋徽宗連

師滅遼先有人言女直兵滿萬則不可敵至是兵始滿萬於是除遼法

省賦稅製女直字國勢益強

金太宗

名吳乞買更名晟太祖之弟改元天會在位十

二年 太宗虎視中原摧鋒陷陣渝盟南侵兩

陷汴京執宋徽宗欽宗以歸宋帝后妃嬪金寶

圖書盡挈而北

金熙宗

名亶太祖之孫改元天會天眷皇統在位十四

年 熙宗受制于后裴滿氏縱酒嗜殺時兀朮

撒离喝分道南侵為吳璘劉錡岳飛等所敗

金廢帝

名完顏亮熙宗之弟弒熙宗而自立改元天德
貞元正隆在位十二年 廢帝虐浮于桀紂弒
太后屠宗室立意南侵戎氈毳幙塞滿江淮會
世宗已立于遼陽下詔暴亮罪惡亮行至瓜州
爲軍士所弒降封海陵王

金世宗

名烏祿更名雍太宗之孫改元大定在位二十
九年 世宗寬仁節儉與宋講和南北相安者

幾二十年 世宗謂宰臣曰夏國以珠玉易我
絲帛是以無用易我有用也命罷權場 時廷
試士人世宗謂宰臣曰向來御試賦題皆士人
嘗擬作者頃朕自選一題出人不料故中選者
多名士而庸才不與

金章宗

名璟世宗之弟改元明昌承安泰和在位十九
年 宋韓侂胄定議伐金金遣僕散揆分道南
侵江表大震宋遣使請講好揆欲宋獻首禍之

金史卷四
臣宋函侂胄首以謝罪 省臣奏科場搜檢解
髮袒衣索及耳鼻非待士體章宗詔從寬 是
時蒙古鐵木真稱帝是爲元太祖 金制有童
子科初天會中童子劉天驥七歲能誦五經至
是有童子劉住兒十一歲能賦詩誦六經行草
書皆有法尤有孝行章宗召至內殿試鳳凰來
儀賦魚在藻詩又令賦憂旱詩章宗大嘉賞
金衛紹王
名永濟世宗第七子改元大安至寧在位五年

時元兵日盛金屢求和元不許

金宣宗

名珣章宗之兄改元貞祐興定元光在位十二
年 元陷中都金地日削

金哀宗

名守緒宣宗之子改元正大天興在位十年爲
元所滅 哀宗濟河與元戰敗哀宗奔歸德府
尋奔蔡州 哀宗使完顏阿虎帶如宋乞糧諭
之曰宋人負朕深矣彼爲謀亦淺元人滅國四

十以及西夏夏亡及于我我亡必及于宋唇亡齒寒自然之理若與我連和所以為我者亦為彼也卿其以此意曉之阿虎帶至宋宋不許

金汴京西面元帥崔立作亂以城降于元執梁王從恪荆王守純太后妃嬪宮女凡三十六輛宗室男女五百餘人盡送青城即昔年金人俘宋之青城也

元速不台殺二王及族屬而送后妃等于和林在途苦楚比宋徽欽時尤甚 哀宗如蔡州避雨雙溝寺中蒿萊滿目無人迹歎曰生靈盡矣

已而自經死金亡而宋亦隨之矣宋助金以滅遼又助元以滅金孽由自作毒皆受身

西夏共一百九十五年

元昊更名曩霄契丹冊為西夏王已而稱帝于夏州號景宗在位十一年 西夏本黨項拓跋氏唐初以地歸太宗為西戎都督唐末拓跋思恭以討黃巢功封夏國公賜姓李宋時繼捧獻地太宗命為定難節度西夏今陝西寧夏衛賜乃定難節度治也 賜姓名趙保忠其從弟繼遷叛宋降契丹契丹封

爲夏王已而降宋賜姓名曰趙保吉保吉死子
德明嗣元昊德明子也西夏屢代皆宋節度至
元昊始叛德明嘗止之曰吾族三十年錦綺皆
宋恩也元昊殂子諒祚嗣號毅宗在位二十年
諒祚殂子秉常立號惠帝在位十九年秉常殂
子乾順嗣號仁宗在位六十二年乾順殂子仁
孝立號仁宗在位五十五年仁孝殂子純佑嗣
號桓宗在位十二年爲安全所廢安全乾順孫
也號襄宗降于蒙古族子遵頊嗣號神宗奔西

涼子德旺嗣號獻宗德旺殂姪覲嗣是爲南平
王爲蒙古所滅

嘉永戊申

